

Media Title : www.msn.com
Headline : Johor bina lebih banyak rumah mampu milik
Date : 2 December 2020
Page : 0
Size : 21.17x50.83



Klinik Perubatan
Laurent Bleu tawar ujian



'Budget will keep
farmers poor'



Ellen Page kini lelaki



#Showbiz: B
teases crypti



Johor bina lebih banyak rumah mampu milik

Mohamed Farid Noh

2 hrs ago



© Provided by Berita Harian Kerajaan Johor akan membina lebih banyak kediaman rumah mampu milik. Gambar ihsan NSTP/MOHD AMIN JALIL

farid_noh@bh.com.my

ISKANDAR PUTERI: Rumah mampu milik di negeri ini masih tidak mencukupi kerana permintaan melebihi penawaran.

Pengerusi Jawatankuasa Perumahan dan Kerajaan Tempatan Johor, Ayub Jamil, berkata jumlah rumah mampu milik yang disiapkan sejak 2018 sehingga tahun ini sebanyak 11,128 unit.

"Tahun depan kerajaan negeri menyasarkan pembinaan rumah mampu milik di Johor sebanyak 1,579 unit.

"Kerajaan negeri sudah menggariskan strategi bagi menambah lagi bilangan rumah mampu milik di Johor dengan pelaksanaan Kempen Transisi 2.0, iaitu satu insentif galakan kepada pihak pemaju untuk terus membina rumah mampu milik," katanya.

Beliau berkata demikian ketika menjawab soalan Datuk Zulkurnain Kamisan (BN-Seri Medan) berkaitan jumlah rumah mampu milik di Johor pada sesi Persidangan Dewan Undangan Negeri (DUN) Johor ke-14, di sini, hari ini.

Mengulas lanjut, Ayub yang juga Ahli Dewan Undangan Negeri (ADUN) Rengit berkata, menerusi Kempen Transisi 2.0, sebanyak 15,000 unit rumah akan dibina menjelang tahun 2025.

Katanya, kerajaan Johor juga menetapkan setiap pembangunan yang akan dibina oleh pihak pemaju perlulah menyediakan komponen Rumah Mampu Biaya Johor (RMBJ), sekurang-kurangnya 40 peratus bagi setiap pembangunan yang dimajukan, bagi meningkatkan penawaran rumah mampu milik di negeri ini.

"Kerajaan negeri turut menjalin kerjasama dengan syarikat berkaitan kerajaan bagi pembangunan RMBJ. Antaranya Kumpulan Prasarana Rakyat Johor dan Perbadanan Islam Johor, dengan unjuran rumah mampu milik yang dibina sebanyak 1,427 unit.

"Kerajaan Johor juga bekerjasama dengan Kerajaan Persekutuan menerusi penyediaan dana yang diumumkan bagi membina dan menyiapkan rumah mampu milik di bawah Program Perumahan Rakyat, Perumahan Penjawat Awam Malaysia, PR1MA dan Syarikat Perumahan Negara Berhad," katanya.

© New Straits Times Press (M) Bhd